

NALUNAARUTIT – Grønlandsk Lovsamling

Serie C-II

Isumaqatigiissut

pillugu

Allaffissornikkut pisortatut sulisut sulisoriinnarniarnerannut tapeq

Naalakkersuisut aamma Ilinniartitsisut Meeqqat Atuarfianneersut Kattuffiata, IMAK-ip akornanni, Kalaallit Nunaanni Namminersornerrullutik Oqartussani kommuninilu tjenestemandit pillugit Inatsisartut inatsisaat nr. 21, 18. december 2003-meersumi § 47, imm. 1 naapertorlugu allaffissornikkut pisortatut sulisut sulisoriinnarniarnerannut tapeq pillugu ataaniittumik isumaqatigiissuteqartogarpaq.

Aammattaq isumaqatigiissut isumaqatigiissutit malillugit allaffissornikkut pisortatut atorfinitsinneqartunut atuutissaq.

§ 1

Sulisoriinnarniaanermut tapeq

Kalaallit Nunaanni Namminersorlutik Oqartussat/kommunit aamma atorfillit sinniisaasa akornanni isumaqatigiinniarnarup kingorna, Kalaallit Nunaanni Namminersorlutik Oqartussani imaluunniit kommunini allaffissornikkut pisortatut sulisunut, ukiuni aalajangersimasunik amerlassusileriiikkanik atorfinitsinneqareersimanngitsunut taamaasillutik tamatumunnga ilanngullugu sulisoriinnarniarnerannut tapisiaqanngitsunut, soraarnerussutisiaqaataasinnaanngitsumik sulisoriinnarniarnerannut tapeq tunniunneqarsinnaavoq.

Imm. 2. Sulisoriinnarniaanermut tapeq inummut tapiuvoq immikkullu ittumik piginnaasaqarfigalugu suliffimmi pineqartumi suliassat ineriartortinnissaannut iluaqutaalluartumik imaluunniit suliffiup ingerlaavartuunissaa eqqarsaatigalugu akisussaassuseqartumik, piginnaaneqartumik, ilisimasaqartumik misilittagaqartumillu pisortatut sulisut sulisoriinnarniarnerannut tunniunneqarsinnaalluni.

Imm. 3. Sulisoriinnarniaanermut tapeq tunniunneqarallarsinnaavoq imaluunniit atorfillip atorfimminiit tunuarnissaa tikitserlugu.

Imm. 4. Tapeq ukiumut 12.000,00 kr.-inik minnerpaaffeqarpoq ukiu-
mullu 48.000,00 kr.-inik annerpaaffeqarluni.

§2

Atuutilersinneqarnera

Isumaqatigiissut una 1. april 2014-imi atuutilerpoq.

Nuuk, ulloq 26. august 2014

Ilinniartitsisut Meeqqat
Atuarfianneersut Kattuffiat
(IMAK)

Naalakkersuisut
sinnerlugit

Sivso Dorph

Michael Würtz